

ANUNCIO Pág. 4372 Reg. 08/3670-x.

Aprobación definitiva dos novos Estatutos da Agrupación de Voluntarios de Protección Civil de Teo

O Pleno do Concello de Teo, en sesión celebrada o día 30 de xaneiro de 2008, aprobou inicialmente dos novos Estatutos da Agrupación de Voluntarios de Protección Civil de Teo.

O expediente e os estatutos estiveron expostos ó público mediante anuncios inseridos no taboleiro de anuncios do Concello e no Boletín Oficial da Provincia nº 37 do 14 de febreiro do 2008, polo prazo de trinta días.

Rematado o prazo de información pública, sen que se producira ningunha reclamación, faise pública a automática aprobación definitiva dos devanditos estatutos, así como o texto íntegro dos mesmos, en cumprimento do disposto nos artigos 49.c) e 70.2 da Lei 7/1985, de dous de abril, reguladora das bases do réxime local.

Teo, 24 de marzo de 2008.

O alcalde,

Martiño Noriega Sánchez

INTRODUCCIÓN

En orde á realización de actividades diversas para a Protección Civil en situacións de emerxencia, os concelleiros e os alcaldes teñen competencias en materia de protección civil, segundo o establecido nos artigos 25.2 c) e 26.1 c) da Lei 7/1985, do 2 de abril, reguladora das Bases de Réxime Local e artigos 80, 81 e 82 da Lei 5/1997, do 22 de xullo, da Administración Local de Galicia.

O exercicio destas competencias ten que levarse a cabo funcionalmente mediante actuacións dos concellos e dos alcaldes coa colaboración dun concelleiro delegado de protección civil, así como coa intervención coordinada dos servizos municipais dedicados de modo ordinario e permanente ó cumprimento de fins coincidentes coas necesidades derivadas das situacións de emerxencia nos casos de grave risco, catástrofe ou calamidade pública.

Asimesmo, nos números 3 e 4 do artigo 30 da Constitución Española determínase que se poderá crear un Servizo Civil para o cumprimento de fins de interese xeral e que mediante lei regularanse os deberes dos cidadáns nos casos de grave risco, catástrofe ou calamidade pública, polo que parece necesario que, sen prexuízo do establecido na lexislación reguladora do Servizo Civil e da Protección Civil sobre canto antecede, contémpanse os recursos municipais mencionados coa incorporación dos cidadáns ás actividades que desenvolva a protección civil

municipal, ofrecéndolles así oportunidades para asumir e realizar, voluntariamente, o cumprimento dos deberes que a Constitución lles atribúe nas circunstancias aludidas anteriormente.

Por outra banda, a Lei 2/1985, do 21 de xaneiro, sobre Protección Civil e o Real Decreto 407/1992, do 24 de abril, que desenvolve a Norma Básica, en distintas partes do seu articulado recolle a participación, responsabilidade e competencias das diferentes administracións públicas na Protección Civil, tendo un papel importante os concellos que por ser a administración máis cercana ós cidadáns e convírtese na célula básica de protección civil, sendo a primeira en intervir en cantas emerxencias ocorran.

Abundando na normativa, temos que recoller o establecido no Decreto 56/2000, de 3 de marzo, e no Plan Territorial de Protección Civil da Comunidade Autónoma de Galicia (PLATERGA). Recollido como Anexo do citado decreto, establécense, entre outras, as directrices para a planificación do ámbito local, así como os contidos que poden desenvolver-las agrupacións de voluntarios no estudio e desenvolvemento dos distintos plans de emerxencia.

Para articular as oportunidades de colaboración dos cidadáns, individualmente considerados, coa protección civil municipal, parece convinte regulamentar a organización e funcionamento da Agrupación de Voluntarios de Protección Civil deste Concello, que se vinculará ós servizos básicos de intervención en emerxencias dependentes do Concello para realiza-las tarefas que procedan, sen prexuízo do que se

poida establecer nas leis sobre prestación persoal e de servizos con carácter obrigatorio.

En virtude do exposto e previo acordo do Concello, apróbase o regulamento da Agrupación de Voluntarios de Protección Civil deste concello que se transcribe seguidamente.

CAPITULO I

DENOMINACIÓN, FINS, DOMICILIO E ÁMBITO

ARTIGO 1

Coa denominación de Agrupación de Voluntarios de Protección Civil de Teo constitúese unha entidade ó amparo da Lei Orgánica 1/2002, do 22 de marzo, e normas complementarias, con capacidade xurídica e plena capacidade de obrar, carecendo de ánimo de lucro.

Pola súa finalidade e ámbito, estarase ó disposto na Lei 2/1985, do 21 de xaneiro, sobre Protección Civil e o Real Decreto 407/1992, do 24 de abril, que desenvolve a Norma Básica, así como ó establecido no Decreto 56/2000, de 3 de marzo, e no

Plan Territorial de Protección Civil da Comunidade Autónoma de Galicia (PLATERGA) e demais normativa aplicable en materia de protección civil.

ARTIGO 2

Esta Agrupación constitúese por tempo indefinido.

ARTIGO 3

A existencia desta Agrupación ten como fins e actividades establecer unha organización en base ós recursos municipais, contando coa colaboración das entidades privadas e dos cidadáns, para garanti-la coordinación preventiva e operativa respecto da protección de persoas e bens ante os danos producidos polas situacións de emerxencia nos casos de grave risco, catástrofe ou calamidade pública, sen esquecer todo tipo de emerxencias menores, mediante a realización de actividades que permitan evitar as mesmas, reducir os seus efectos, reparar os danos e contribuir a correxir as causas productoras dos mesmos.

A organización e funcionamento da Agrupación de Voluntarios Protección Civil, en adiante AVPC, como modalidade de incorporación dos cidadáns ás actividades de protección civil, rexirase polo establecido no presente regulamento, así como polas instrucións e directrices que, a efectos de coordinación xeral e participación no desenvolvemento ou execución dos plans, programas ou actividades (análise e estudo de riscos, adopción de medidas para evitar ou diminuir o risco, actuación ante os riscos e rehabilitar os servizos públicos indispensables no sistema autonómico de protección civil) sexan dictadas polo órgano da Comunidade Autónoma competente nesta materia, e demais Administracións públicas de ámbito superior, conforme se establece na Norma Básica de Protección Civil.

ARTIGO 4

A Agrupación ten o seu domicilio social na Ramallosa s/n –Lucí - Concello de Teo, Provincia de A Coruña, CP 15883, e o seu ámbito territorial no que vai realizar principalmente as súas actividades é o territorio local.

ARTIGO 5

Os recursos económicos previstos para o desenvolvemento dos fins e actividades da Agrupación serán os seguintes:

- As subvencións, legados ou herencias que se puideran recibir de forma legal
- Calquera outro recurso lícito

ARTIGO 6

No momento do inicio das súas actividades a AVPC carece de patrimonio algún, polo que non hai patrimonio fundacional.

O peche do exercicio económico coincidirá co do ano natural.

CAPITULO II

ÓRGANO DE REPRESENTACIÓN

ARTIGO 7

A Agrupación será xestionada e representada por unha Xunta Directiva formada por: un/ha Presidente/a, un/ha Secretario/a, un/ha Tesoureiro/a e catro vocais, no seu caso.

Tódolos cargos que compoñen a Xunta Directiva serán gratuitos. Estes serán designados e revocados pola Asamblea Xeral Extraordinaria e o seu mandato terá unha duración de catro anos.

ARTIGO 8

Os membros da Xunta Directiva poderán causar baixa por renuncia voluntaria comunicada por escrito a esta, por incumplimento das obrigas que tiveran encomendadas e por expiración do mandato.

ARTIGO 9

Os membros da Xunta Directiva que tiveran esgotado o prazo para o cal foron elexidos, continuarán ostentando os seus cargos ata o momento no que se produza a aceptación dos que os substitúan.

ARTIGO 10

A Xunta Directiva reunirse tantas veces o determine o Presidente, ou a iniciativa ou petición de alomenos un tercio dos seus membros. Quedará constituída cando asista a metade máis un dos membros e para que os seus acordos sean válidos deberán ser tomados pola maioría dos votos. No caso de empate, o voto de calidade do Presidente decidirá a cuestión.

ARTIGO 11

As Facultades da Xunta Directiva extenderanse, con carácter xeral, a tódolos actos propios das finalidades da Agrupación, sempre que non requiran, según estes Estatutos, autorización expresa da Asamblea Xeral.

Son facultades da Xunta Directiva:

- Dirixir as actividades sociais e levar a xestión económica e administrativa da Agrupación, acordando realizar os oportunos contratos e actos.
- Executar os acordos da Asamblea Xeral.
- Formular e someter a aprobación da Asamblea Xeral os balances e as contas anuais.
- Resolver sobre a admisión de novos asociados.
- Nombrar delegados para algunha determinada actividade da Agrupación.
- Calquera outra facultade que non sexa da exclusiva competencia da Asamblea Xeral.

ARTIGO 12

O/A Presidente/a terá as seguintes funcións:

- Representar legalmente á Agrupación ante toda clase de organismos públicos ou privados.
- Convocar, presidir e levantar as sesións que se celebren da Asemblea Xeral e da Xunta Directiva, así como dirixir as deliberacións dunha e outra.
- Ordear pagos e autorizar coa súa firma os documentos, actas e correspondencia.
- Adoptar calquera medida urxente que a boa marcha da Agrupación aconselle no desenvolvemento das súas actividades e resulte precisa ou convinte, sen prexuízo de dar conta posteriormente á Xunta Directiva.

ARTIGO 13

O/A Secretario/a terá as seguintes funcións:

- O cargo da dirección dos traballos puramente administrativos da Agrupación.
- Expedición de certificacións.
- Levar os libros da Agrupación que sexan legalmente establecidos e o ficheiro de voluntarios.
- Custodiar a documentación da entidade, facendo que se cursen as comunicacións sobre designación da Xunta Directiva e demais acordos sociais inscribibles nos rexistros correspondentes.
- A presentación de contas anuais e o cumprimento das obrigas documentais nos termos que legalmente correspondan.

ARTIGO 14

O Tesoureiro recaudará e custodiará os fondos pertencentes á Agrupación e dará cumprimento ás ordes de pago que expida o Presidente.

ARTIGO 15

Os Vocais terán as obrigas propias do seu cargo como membros da Xunta Directiva, así como as que se xeren das delegacións ou comisións de traballo que a propia Xunta lles encomende.

ARTIGO 16

As vacantes que se puideran producir durante o mandato de calquera dos membros da Xunta Directiva serán cubertas provisoriamente entre ditos membros ata a elección definitiva pola Asemblea Xeneral Extraordinaria.

CAPITULO III

ASEMBLEA XERAL

ARTIGO 17

A Asemblea Xeral é o órgano supremo de goberno da Agrupación e estará integrada por tódolos/as voluntarios/as.

ARTIGO 18

As reunións da Asemblea Xeral serán ordinarias e extraordinarias.

A ordinaria celebrarase unha vez ó ano, dentro dos catro meses seguintes ó peche do exercicio.

As extraordinarias celebraranse cando as circunstancias o aconsellen, a xuízo do Presidente, cando a Directiva o acorde ou cando o propoñan por escrito alomenos unha décima parte dos/as Voluntarios/as.

ARTIGO 19

As convocatorias das Asembleas Xerais realizaranse por escrito, expresando o lugar, día e hora da reunión, así como a orde do día con expresión concreta dos asuntos a tratar.

Entre a convocatoria e o día sinalado para a celebración da Asemblea en primeira convocatoria deberá haber alomenos quince días, podendo asimesmo facerse constar se procedera a data e hora na que se reunirá a Asemblea en segunda convocatoria, sen que entre unha e outra poida haber un prazo inferior a unha hora.

ARTIGO 20

As Asembleas Xerais, tanto ordinarias como extraordinarias quedarán validamente constituídas en primeira convocatoria cando concurran a ela un tercio dos voluntarios con dereito a voto, e en segunda convocatoria calquera que sexa o número de asociados con dereito a voto.

Os acordos tomaranse por maioría simple das persoas presentes cando os votos afirmativos superen ós negativos, non sendo computables a estes efectos os votos en branco nin as abstencións.

Será necesaria unha maioría cualificada das persoas presentes ou representadas, que resultará cando os votos afirmativos superen a metade destas, para:

- Nombramento das Xuntas Directivas e administradores
- Acordo para constituir unha Federación de asociacións ou integrarse nelas
- Disposición ou enaxenación de bens integrantes do inmovilizado
- Modificación dos estatutos
- Disolución da Agrupación

ARTIGO 21

Son facultades da Asamblea Xeral Ordinaria:

- Aprobar no seu caso a xestión da Xunta Directiva
- Examinar e aprobar as contas anuais
- Aprobar ou rexeitar as propostas da Xunta Directiva en orde ás actividades da Agrupación
- Calquera outra que non sexa competencia exclusiva da Asamblea Extraordinaria

ARTIGO 22

Corresponde á Asamblea Xeral Extraordinaria:

- Nomeamento dos membros da Xunta Directiva
- Modificación dos Estatutos
- Disolución da Agrupación
- Expulsión de voluntarios/as, a proposta da Xunta Directiva
- Constitución de federacións ou integracións nelas

CAPITULO IV

ORGANIZACIÓN

ARTIGO 23

A agrupación estruturarase, e organicarase funcionalmente en seccións, de acordo ás necesidades existentes no concello ou comarca e en todo caso, disporá das seccións correspondentes en concordancia coa tipoloxía de riscos definidos no PEMU e se é o caso, no PLATERGA.

ARTIGO 24

Tódalas actuacións que realice a AVPC en materia de protección civil no ámbito local, serán sempre autorizadas e coordinadas, ou se é o caso dirixidas pola autoridade local correspondente.

ARTIGO 25

Tódolos compoñentes da agrupación ostentarán, sobre o lado esquerdo do peito, o distintivo de Protección Civil da Comunidade Autónoma e no lado dereito a tarxeta de identidade de voluntario de acordo co disposto na normativa vixente.

ARTIGO 26

A AVPC contratará un seguro de accidentes, así como de responsabilidade civil por danos a terceiros, que ampare ós seus membros fronte ós riscos a que están sometidos no exercicio das súas funcións.

ARTIGO 27

Polo Servizo Municipal de Protección Civil elaboraranse e formularanse propostas para a aprobación das normas de carácter especial ou xeral que sexan necesarias para o desenvolvemento e aplicación deste regulamento, así como para a regulación da actividade da AVPC.

CAPITULO V

VOLUNTARIOS

ARTIGO 28

Podrán incorporarse á AVPC como voluntarios nos operativos tódolas persoas maiores de 18 anos que cumpran os requisitos de acceso, sen que en ningún caso poida facerse dicriminación por razóns de sexo, políticas, ideolóxicas, relixiosas ou calquera outra circunstancia persoal ou social.

Asimesmo, as persoas maiores de 16 anos sempre que conste a autorización do que exerza a patria potestade ou a tutela, poderán formar parte da Agrupación como voluntarios de apoio.

ARTIGO 29

As persoas con formación e experiencia suficiente no exercicio profesional ou vocación relacionada con algunha das entidades deste servizo público, e que por determinadas circunstancias non poidan ser voluntarios operativos, poderán estar unidos á Agrupación mediante a figura de colaborador en misións de orientación, asesoramento, asistencia técnica ou axuda económica. A figura de colaborador pódese facer extensiva a aquelas entidades locais que desexen colaborar coa Agrupación en calquera dos apartados mencionados anteriormente.

ARTIGO 30

A vinculación dos voluntarios co Concello non ten carácter de relación laboral, administrativa, funcional ou mercantil, senón de colaboración voluntaria para a prestación de servizos de maneira altruista como medio de realización de accións humanitarias de solidariedade social e boa veciñanza.

ARTIGO 31

A incorporación á Agrupación farase sempre en virtude de solicitude do/a interesado/a, na que declarará non estar inhabilitado/a para funcións públicas por sentenza firme e o compromiso de coñecer e aceptar o contido deste regulamento, así como o disposto na normativa vixente sobre protección civil.

ARTIGO 32

A condición de membro da AVPC faculta unicamente para realizar as actividades correspondentes á mesma, especialmente en situacións de emerxencia nos casos de grave risco, catástrofe ou calamidade pública e nos operativos organizados e coordinados pola Agrupación. Os/as voluntarios/as non poderán realizar actividades de carácter personal amparándose na pertenza á agrupación.

ARTIGO 33

As funcións do/a voluntario/a, entre outras, son as de promoción da prevención e autoprotección cidadá, así como a colaboración, auxilio e apoio dos servizos públicos de protección civil e en todo caso, serán as indicadas no Plan de Emerxencia Municipal (PEMU) e demais plans de protección civil do sistema autonómico, aprobados pola Comunidade Autónoma de Galicia.

ARTIGO 34

Os/as voluntarios/as de número terán os seguintes dereitos:

- Tomar parte en cantas actividades organice a Asociación en cumprimento dos seus fins
- Disfrutar de tódalas vantaxes e beneficios que a Agrupación poida obter.

- Participar nas Asembleas con voz e voto.
- Ser electores e elexibles para os cargos directivos.
- Recibir información sobre os acordos adoptados polos órganos da Agrupación.
- Facer suxestións ós membros da Xunta Directiva en orde ó mellor cumprimento dos fins da Agrupación.

CAPITULO VI

FORMACIÓN E PERFECCIONAMENTO

ARTIGO 35

A formación dos/as voluntarios/as, baseada nos coñecementos e habilidades relacionadas coas características propias deste servizo público, ten como finalidade facilitar a incorporación destas persoas en condicións de garantía e eficacia así como contribuír á selección dos/as aspirantes.

ARTIGO 36

A actividade formativa e de perfeccionamento do persoal voluntario, conforme ó disposto no Decreto 56/2000, de 3 de marzo, artículase da seguinte maneira:

- O nivel básico corresponde ós coñecementos mínimos que debe posuír un/ha voluntario/a de protección civil para o correcto desenvolvemento das súas actividades.
- O segundo nivel ou nivel operativo corresponde ós coñecementos que deben posuír os compoñentes das distintas seccións ou grupos operativos da AVPC.
- O terceiro nivel ou nivel de especialidade ten como obxectivo a obtención da titulación oficial en determinadas actividades. Os cursos axustaranse ós oficiais dos organismos que os impartan.
- Ademais da formación regulada, a AVPC poderá propoñer outros cursos, xornadas, e cantas actividades de formación considere oportunas.
- As actividades formativas complementaranse coas seguintes accións:

Exercicios prácticos con carácter periódico para a mellora permanente da preparación dos/as compoñentes da Agrupación.

A organización de bibliotecas e fondos de comunicación sobre protección civil e, especialmente, en relación coa organización e funcionamento de agrupacións de colaboradores voluntarios e outras modalidades da participación cidadá nas actividades de protección civil.

O mantemento de relacións de colaboración mutua con outras administracións públicas ou entidades privadas relacionadas con protección civil.

A edición, colaboración, promoción de publicacións e a divulgación de recomendacións á poboación, sobre temas de protección civil.

CAPITULO VII

DEREITOS E DEBERES

ARTIGO 37

Son dereitos dos voluntarios de protección civil no exercicio da súa labor de colaboración:

- Recibir a información, formación, orientación, apoio, e se é o caso, medios materiais necesarios para o exercicio das funcións que se lle asignen.
- Dispoñer dunha acreditación identificativa da súa condición de voluntario/a de protección civil.
- Empregar a vestimenta homologada polo organismo competente en materia de protección civil da Xunta de Galicia.
- Realizar a súa actividade nas debidas condicións de seguridade en función da natureza e características daquela.
- Participar na elección dos membros da Xunta Directiva
- Ser tratados sen discriminación, respectando a súa liberdade, dignidade, intimidade e crenzas.
- Non ser asignados á execución de tarefas alleas ós fins e natureza da entidade.

ARTIGO 38

Son deberes dos voluntarios no exercicio da súa labor de colaboración:

- Gardar, cando proceda, confidencialidade da información recibida e coñecida durante o desenvolvemento da súa actividade como voluntario/a de protección civil, mantendo segredo análogo ó profesional.
- Rexeitar calquera tipo de contraprestación económica que puidese recibir dos cidadáns afectados directa ou indirectamente polas actividades desenvolvidas.
- Actuar de forma dilixente e solidaria, cumprindo coas indicacións e normas dictadas polos seus mandos naturais e as autoridades de protección civil.
- Participar nas tarefas formativas previstas pola autoridade competente de protección civil ou pola AVPC, así como nas que con carácter permanente se precisen para manter a calidade das prestacións.
- Empregar axeitadamente a vestimenta de protección civil cos seus distintivos.
- Coidar e utilizar de xeito adecuado os recursos e medios materiais que poña a súa disposición a AVPC, ou, de selo caso, as autoridades de protección civil.
- No suposto de causar baixa na AVPC por calquera circunstancia, entregará a tarxeta de identidade e o uniforme ó/á responsable da AVPC, así como o material asignado á súa custodia.
- Cumprir os compromisos acordados coa AVPC, respectando o disposto nos seus estatutos.

ARTIGO 39

As AVPC deberán:

- Respostar a principios democráticos e participativos na composición dos seus órganos e no seu funcionamento.
- Proporcionar ás persoas voluntarias a formación específica e a orientación necesaria para o exercicio das súas actividades.
- Garantir ós/as voluntarios/as as debidas condicións de seguridade e saúde no desenvolvemento da súa actividade, así como o establecido nas correspondentes medidas de prevención de riscos.
- Certificar a actividade das persoas voluntarias con constancia dos seus datos pessoais identificativos e a duración e natureza da actividade desenvolvida.
- Informar ás persoas voluntarias sobre os fins e réxime de funcionamento da AVPC.
- Facilitar a participación do/a voluntario/a na celebración, deseño, execución e avaliación dos programas nos que interveñen.

CAPITULO VIII

RECOMPENSAS E SANCIÓNNS

ARTIGO 40

As condutas dos compoñentes da AVPC serán obxecto de valoración polos procedementos que se establezan nas correspondentes instrucións de desenvolvemento deste regulamento. Distinguiranse como proceda as condutas meritorias e sancionaranse, de conformidade co establecido neste regulamento, as infraccións ó previsto no mesmo.

As recompensas e sanciónns anotaranse no expediente persoal do interesado.

ARTIGO 41

As accións meritorias que impliquen un nivel de dedicación superior ás actividades ordinarias do servizo (ou riscos para a vida e a integridade dos voluntarios), poderán ser recompensadas co recoñecemento público mediante o correspondente escrito da Alcaldía ou a formulación pola mesma de proposta para a concesión da medalla ó merito, as placas e diplomas de protección civil da Comunidade Autónoma de Galicia, ou outras distincións que poidan conceder as distintas administracións públicas ou o concello, para premiar actos desta natureza especial.

ARTIGO 42

As infraccións ó disposto neste regulamento sancionaranse previa tramitación do correspondente expediente, unha vez escoitado/a o/a interesado/a, que poderá en todo momento facer as alegacións oportunas.

As faltas consideranse leves, graves e moi graves.

I) Estimaranse como faltas leves e serán sancionadas con apercibimento ou suspensión de ata un mes, atendendo ás circunstancias que concorran, as seguintes:

- O descoido na conservación e mantemento do equipo e material que tivera ó seu cargo no cumprimento das misións encomendadas.

- A desobediencia ós mandos, cando isto supoña mal trato de palabra e obra e non afecte ó servizo que deba cumprirse.

- As demais infraccións ou omisións, con carácter leve, ó presente regulamento.

II) Consideraranse faltas graves e serán sancionadas coa suspensión dende un a seis meses, atendendo ás circunstancias que concorran, as seguintes:

- Negarse ó cumprimento das misións que lle sexan encomendadas sen causa.

- A utilización, fóra dos actos propios do servizo do equipo, material ou distintivos de protección civil.

- O deterioro ou perda, por negligencia, do equipo, material, bens ou documentos do servizo ó seu cargo e custodia.

- As omisións ou infraccións graves ó preceptuado neste regulamento.

- A acumulación de tres faltas leves.

III) Serán causas de expulsión, como consecuencia da falta moi grave, as seguintes:

- Deixar de cumprir, sen causa xustificada, as esixencias do servizo.

- Observar mala conducta ou ser sancionado reiteradamente por faltas graves

- Ser condeado por calquera acto delictivo, a excepción das derivadas de accidentes de circulación non producido por inxestión alcohólica ou de calquera substancia psicotrópica.

- Utilizar ou exhibir indebidamente o uniforme ou as identificacións do servizo.

- A agresión de palabra ou obra a calquera membro da agrupación e a desobediencia que afecte á misión que deba cumprir.

- Negarse á cumprilas sancións de suspensión que lle foran impostas.

CAPITULO IX

RESCISIÓN DO VINCULO COA AGRUPACIÓN

ARTIGO 43

A relación de colaboración voluntaria coa agrupación terminárase por:

- Petición do/a interesado/a.

- Falecemento.

- Declaración de incapacidade.

- Solicitud de baixa temporal ou definitiva.

- Perda dalgunha das condicións esixidas para poder ser voluntario/a.

- Quedar incurso/a en situación de inhabilitación para o exercicio de cargos públicos por sentenza firme.

ARTIGO 44

Considérase baixa temporal na AVPC a suspensión da actividade na mesma como consecuencia de sanción ou ausencia inferior a tres meses que teña motivos xustificadas que sexan comunicados oportunamente.

ARTIGO 45

Serán causa de baixa definitiva na agrupación as seguintes:

- A petición do/a interesado/a.
- Incomparecencia do voluntario por tempo superior a tres meses sen causa xustificada a actividade ordinaria ou especial que lle corresponda.
- Por incumplimento dos servizos mínimos esixidos.
- Como consecuencia da comisión de falta considerada como moi grave de acordo co recollido no artigo 42, do apartado III deste regulamento.

ARTIGO 46

Acordada a baixa seralle notificada ó/a interesado/a, garantíndolle o dereito de audiencia, e unha vez sexa feita efectiva o/a voluntario/a procederá á inmediata entrega da documentación de identidade, distintivo, uniformidade, equipo e material que lle fora adxudicado pola agrupación.

ARTIGO 47

En todo caso expedirase, a petición do/a interesado/a, un certificado no que consten os servizos prestados na AVPC e a causa pola que acordou a baixa.

CAPITULO X

DISOLUCIÓN

ARTIGO 48

Disolverase voluntariamente cando así o acorden na Asemblea Xeral Extraordinaria convocada ó efecto por unha maioría de 2/3 dos asociados.

ARTIGO 49

En caso de disolución, nombrarase unha comisión liquidadora, a cal, unha vez extinguidas as deudas e se existise sobranse líquido destinarase a fins sociais sen ánimo de lucro.

DISPOSICIÓN ADICIONAL

En todo canto non estea previsto nestes Estatutos aplicarase a vixente Lei 2/1985, de 21 de xaneiro, sobre protección civil e o Real Decreto 407/1992, de 24 de abril, que desenvolve a Norma Básica, así como as demais disposicións en materia de protección civil. Tamén se estará ó disposto na Lei Orgánica 1/2002 do 22 de marzo reguladora do Dereito de Asociación e as disposicións complementarias.

DISPOSICIÓN FINAIS

1ª. Pola Alcaldía, ou concellería delegada de protección civil, dítanse as instrucións e directrices que sexan necesarias para o desenvolvemento e aplicación destes Estatutos

2ª. Este Estatuto entrará en vigor despois da súa aprobación definitiva, e da preceptiva exposición pública, a través da publicación do texto íntegro no B.O.P Teo, 24 de marzo de 2008.

O alcalde,

Martiño Noriega Sánchez